

西安府志

第八冊

新平知

如蒙

PDG

學校志

三代之學備於成周其後三雍立於漢四門肇於唐皆國學也郡邑之有學自宋代始元明而後逮暨我

朝教澤深厚積累涵濡班固所謂庠序盈門俎豆莘莘下舞上歌蹈德詠仁者庶幾見之作學校志首列辟雍者蓋以諸君子豈弟作人薪樞咸樸期與三代同風也若書院所以造士貢院所以興賢皆學校所有事依次書之附已廢之績冀修復於來者凡二卷

西安府

三代學禮記注周立三代之學學書於有虞氏之學典謨

之教所以興也學舞於夏后氏之學文武中也學禮樂於商之學功成治定與已同也

周辟雍詩大雅靈臺於樂辟雍文王有聲鎬京辟雍張子曰靈臺辟雍文王之學也鎬京辟雍武王之學也黃圖文王辟雍在長安西北四十里馬志在鄠縣東三十里

漢學長安志靈臺明堂辟雍武帝造長安城南水經注昆明故渠東有明堂南辟雍漢禮樂志武帝時犍爲郡水濱得古磬十六枚劉向說帝宜興辟雍黃圖武帝元光五年

冬十月河間王德來朝獻雅樂武帝對之三雍宮

應劭曰三雍者

靈臺明堂辟雍也平帝元始四年王莽奏修復明堂辟雍又曲臺

如淳曰行射禮於曲臺晉灼曰曲臺天子射宮也西京無

大學故於此行射禮又大學漢書王莽爲宰衡復大學弟子書舍萬區起市郭上林苑中其門東曰修仁之門南修禮之門西守義之門三輔舊事漢大學中有市有獄關中記漢大學在長安誠南安門之東杜門之西

前秦學晉書苻堅親臨太學考試諸生問難五經

後秦學晉書姚萇立太學以禮賢士又律學姚興所立

唐學長安志在務本坊監中有孔子廟貞觀四年立領國子監太學四門律書算六學

宋學通志在府治東南

宋景祐二年中書劄子侍郎范雍奏昨知永興軍前資寄住官員頗

多子弟輩不務肯構惟恣輕薄蓋由別無學校勸業之所致到任後奏建府學兼賜九經書差官主掌每日講授據本府分析見有修業進士一百三十七人在學關中風氣稍變權節度掌書記陳諭管勾乞降勅命令常遵守金

因之

元學通志至正間行省平章廉希憲卽宋學重修

元虞集重修奉

元路廟學記集聞之茲土也昔者周公嘗治而教之矣禮

樂其具也出於宗廟朝廷之上行之乎學校井田之間因

其秉彝好德之懿而誦歎夫天命之不已因夫卦畫示人

之蘊而發揮乎變通之無窮致嚴於閨門衽席之微而推

至乎天地神明之著致察乎時物衣食之末而究極乎輔

成化育之功耕祿之均施之四海而無不準也祭祀之達

傳之子孫而無不保也三代以降人文莫過焉世移俗易

漢唐之遺跡無復存者至宋程子得周子之傳而起於洛

橫渠張子特起於關中其學一原也而尤有意於制作之

事程子言有關係麟趾之意而後可以行周官之法度此

周公之遺意而張子之志也與正蒙之書學者受讀訂頑

之銘推極乎事親事天之誠程子曰貧富不均教養無法雖

古之豪傑孰能與於此而其言曰貧富不均教養無法雖

欲言治皆苟而已議與學者買田畫井而其疆界不失公

家之賦而立歛法廣儲蓄救災恤患厚本抑末以見先王

之遺意而當今可行也又曰今欲以正經爲事自古聖賢

莫不由此而始遠者大者有所未及而可於家庭見之又

曰學者且須識禮可以滋養德性集義養氣益有所據依

此爲試讀，需要完整PDF請訪問：www.ertongbook

卽有常業可以見諸行事其端緒可見如此方是時關洛相望表裏經緯孟子以來未有盛於此時者世祖皇帝初年覃懷文學許文正公尚書與師友講明斯道儒者之效遂大見於當時矧風氣四塞之地土厚水深其生人也質直而忠厚文王四公之教尤易推行學於斯者思周公之爲治以極於孔子之道因橫渠之學而博通乎濂洛之原則化行俗美賢才衆多豈不於吾雍學而見之乎詩曰南山有臺北山有萊樂只君子邦家之基請以諸大夫君子而與其都人中有成德堂馬志府學成德堂高敞雄壯元士共講焉

末毀明宣德中建爲明倫堂

明學通志成化九年巡撫馬文升卽宋元學修萬歷二十一年長安令沈聽之咸寧令李得中重修

本朝西安府學通志順治十年提學田厥茂卽明代舊址增修學制大門前有坊內有泮池儀門內當甬道爲魁星樓中爲明倫堂兩旁四齋曰志道據德依仁游藝東西號舍

各三十六楹堂後爲尊經閣閣後神器庫射圃亭在長安縣學右教授訓導廨在明倫堂後會典教授一員復設訓導一員又通志陰陽學在府治東醫學在府治西

文廟通志在府治東南建自宋初元至正間行省平章廉希憲修明成化間巡撫馬文升嘉靖間巡撫王堯封萬歷癸巳長安令沈聽之咸寧令李得中先後增修前有坊內爲櫺星門次戟門次兩廡各十七間中大成殿殿內

恭懸

本朝康熙二十三年十月

御書萬世師表額雍正四年三月

御書生民未有額咸寧學之東爲崇聖祠各州縣學如制不具載

關內周咨錄正殿後爲碑林俗稱碑洞碑林經始于宋元祐庚

午龍圖閣學士呂大忠見黎持京兆府學新移石經記明成化癸巳中丞

馬文升修見商輅重萬歷癸巳首令沈聽之李得中復修

見周宇重修儒學碑

本朝康熙庚子候補令徐朱燭重加輯治盛熙祚重修西安府學碑林記唐文

宗開成二年宰相鄭覃判國子祭酒勘定九經勒於太學
先是大歷間司業張參撰五經文字歲久傳寫點畫參差
翰林待詔唐元度依司業舊本復撰九經字樣既成表請
附五經之末兼請於國學創立石經是石經雖鄭覃輩成
之而其議實始於元度當韓建築新城石經棄於野矣朱
梁劉鄩守長安幕吏尹玉羽請輦入城得置尚書舊省宋
元祐五年龍圖呂大忠領漕陝西始置於此學官黎持作
新移石經記曰分爲東西比次成列明皇注孝經及建學
碑立于中央顏褚歐陽徐柳之書下迨偏旁字源之類則
分布于庭之左右今歷考之惟建學碑及褚書不存然其
遺規宛然元祐之舊是知碑林端自龍圖始又曰金石之
固不得其人以護持之亦難必其可久此呂公爲有功于

聖人之經又曰使後之君子知古人之用心而不廢前功
庶斯人之有寄推其意直欲千百世下好古之士相與寶
此翰墨之淵藪也嗟乎關中漢唐碑版不可枚舉宋天聖
間詔建浮圖姜遵知永興軍取漢碑之堅好者以代甄甌
有縣尉具言不可遵以故隔朝命按罷之時何斯舉作詩
云長安古碑用樂石薑尾銀鈎擅精密缺詭橫道已足哀
况復鐫裁代甄甌有如天吳與紫鳳顛倒在衣吁可惜則
元祐以前碑版之厄亦不知凡幾而九經歸然靈光屢厄
不磨所謂神物呵護洵不誣矣今名十三經者在唐惟九
經并孝經論語爾雅康熙字典七年中丞賈漢復補刻孟子七
卷遂合爲十三經御書之亭琬琰之光超越今古此又
群工勒石建御書之亭琬琰之光超越今古此又
當代之文明也自金元以來好事者又往往重勒舊本而
能書家亦各摹片石於其中棟宇雖存元祐之舊而朽于
風雨殆不可支吾里徐君來遊于秦摩挲其側仰而嘆曰
石經行且委瓦礫龍圖之功于斯廢矣斯文所寄予且新
之遂傾其橐鳩工焉三閱月而告成故都壯觀復在于目
其有功于聖人之經龍圖之後又何多讓余樂觀其成不
可不書也君名朱燾字孚尹浙之秀乾隆壬辰中丞畢公
水人博學好古負才具將令縣云

復鼎新焉陝甘資政錄西安郡學後舊有碑林置唐宋以

來石刻歲久未修牆宇傾圯兼以俗工日事捶拓貞珉將有日損之勢余簡任封圻蒞止斯土釋奠之始議加改建不一歲而工畢爲堂五楹恭奉我

朝

列聖御書貞石南爲敬一亭又南建庭並左右廊廡數十楹砌置開成石經及宋元以前碑版又南置石臺孝經以上屋宇並周以闌楯其鎖鑰有司掌之帖估不得恣意摹榻庶舊刻得以垂諸永久至明代及近人碑刻則汰存其佳者別建三楹于敬一亭之西爲之安置兼以資搨工口食焉

入學額數會典西安府大學歲科試額進文生員二十名歲試額進武生員二十名

學田通志府學廩餼及貧生銀兩俱於長安咸寧二縣學租內支給不另設田

貢院通志在府治西北明景泰間左布政使許資奏建嘉靖四年巡撫王盡巡按鄭氣以號舍舊爲蓆棚悉易以木又拓增數百間築內外繚垣又引通濟渠于五星堂下十九年巡按張光祖興修明遠樓在中北爲至公堂又北爲外簾又北爲聚奎堂又北爲主考廳五經房列左右

本朝康熙五十六年布政使薩穆哈增建南號舍雍正元年巡撫噶世圖續建易以甓甃

關中書院通志在府治東南明萬歷三十七年布政使汪可受按察使李天麟叅政熊應占閔洪學副使陳宁段猷

顯爲馮從吾講學建一統志

本朝康熙二年重修乾隆二十一年秋

臺上賜額曰秦川浴德

按西安舊有正學書院李東陽記云在府治西南蓋宋橫渠張子倡道之地呂大鈞等皆得其傳元許魯齋主學事亦多造就省臣建議爲書院合祀橫渠魯齋及鄉賢楊元甫入明百餘年遺址無存宏治九年提學楊一清卜地重建賈志宏治中提學王雲鳳於正學書院建樓廣收書籍以資諸生誦覽嘉靖中士趨詭異督學唐龍復新書院選士肄習其中刻其奇靡而約諸理道其所登進多爲名臣關學編萬歷乙酉許孚遠督關中學

聘禮三原王之士多士興起

本朝巡撫賈漢復重修至關中書院舊爲督學使署康熙六十一年督學改駐三原舊行署此地仍爲書院其正學書院亦併入焉今中丞畢公乾隆辛卯蒞任伊始卽念移風易俗教化爲先因重事修建延致經師江寧戴進士祖啓主席其間復于通省生徒中選其有德造者俾潛心敦學共獲觀摩旬有試日有課不數載關中鄉會中式膺館選者大半皆書院之士一時稱盛事顧中丞之意則惟願諸生講求經術道達事理出可以仔肩鉅任處可以佑啓後人予以仰副

國家稽古右文造士作人之至意焉昔范文正經略西事時

一見橫渠張子卽授中庸其後坐罪臯比開來繼往自
藍田諸呂後以汜

本朝二李諸君關學之傳希蹤濂洛然其原實文正有以啓
之故爲詳著於卷俾各屬之州牧令長咸能克廣德心
振興文教則班固所云洪化惟神永觀厥成者其在此
時歟

風俗周禮職方氏雍州其民三男二女其畜宜牛馬其穀
宜黍稷詩含神霧秦處仲秋之位男懦弱女高勝白色身
音中商其言舌舉而抑聲清而揚春秋說題辭秦金積堅
故秦俗亦堅朱子詩傳雍州土厚水深其民厚重質直無
鄭衛驕惰浮靡之習以善導之則易于與起而篤于仁義

以勇驅之則其強毅果敢之資亦足以彊兵力農而成富
強之業管子水道篇秦之水汴而稽淤滯而雜故其民貪
戾罔而好事吳子秦性強其地嚴其政嚴其賞罰信其人
不讓皆有鬪心史記貨殖傳文王作豐武王治鎬其人猶
有先王遺風好稼穡植五穀地重重爲邪漢都長安四方
輻輳地小人衆其民玩巧而事末又都國諸侯所聚會故
其民纖儉習事商鞅傳商君定變法之令行之十年家給
人足民勇于公戰怯于私鬪李斯傳擊甕叩缶彈箏搏髀
而歌嗚嗚者秦之聲也漢地理志漢都長安徙齊諸田起
昭屈景及功臣吏二千石高訾富人豪桀并兼之家於諸
陵是故五方雜厝風俗不純其世家則好禮文富人則商

賈爲利豪桀則遊俠通姦又郡國輻輳浮食者多民去本
就末列侯貴人車服僭上衆庶倣效壹不相及嫁娶尤崇
侈靡送死過度賈誼陳政事疏秦人家富子壯則出分家
貧子壯則出贅借父耰鋤慮有德色母取箕帚立而諄語
抱哺其子與公併倨婦姑不相悅則反唇而相稽匡衡政
治得失疏太王躬仁邠國貴恕今長安習俗無以異於遠
方郡國來者無所法則或見侈靡而倣效之魏崔浩傳關
中華戎雜錯風俗勁悍欲以荆揚之化施之函秦此無異
解衣包火張羅捕虎隋地理志京兆皇都所在俗具五方
人物混淆去農從商爭朝夕之利游手爲事競錐刀之末
貴者崇侈靡賤者薄仁義豪強者縱橫貧窶者窘蹙桴鼓

屢驚盜賊不禁宋地理志陝西其民慕農桑好稼穡鄠杜
南山土地膏沃二渠灌溉兼有其利大抵夸尚氣勢多游
俠輕薄之風甚者好鬪輕死廣皇興考西安府其俗男耕
女桑先勇力尚氣概王維禎與王罔溟書關中故俗其人
質直尚氣鮮僞黠詭佞之習乃今漸澆古朴闕闕構訟百
僞朋與薛敬之思菴野錄讀秦風苦得無淫奔之詩見得
秦俗好

按古今致治之源在於人心風俗而所以整頓風俗轉
移人心者其端先自學校始嚮見書冊所稱秦俗率謂
其士習猥薄民俗剽悍余往來關中四載見其士則溫
文而知禮讓其農則儉樸而安耕鑿樂事勸功尊君親